



Inatsisartuni ilaasortaq,  
Sofia Geisler, Inuit Ataqtigiit  
Maani/

### **§ 37 naapertorlugu apeqquteqaammumt nr. 321-2018 piniagassat killilersorneqartut pillugit tunngasumut akissuteqaat**

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiuusaqarsimavutit, piniagassat killilersorneqartut pillugit. Apeqqutitit uanga suliaasaqarfisannut akisassanngortinneqarsimapput.

*Uunga 1) Uani:*

*<https://naalakkersuisut.gl/kl-GL/Naalakkersuisut/Naalakkersuisoqarfik/Fiskeri-Fangst-og-Landbrug/Fangst-og-jagtafdelingen/Kvoter-og-andre-begraensninger> atuarneqarsinnaavoq "Pisuussutinik uumassusilinnik atuinermi piujuartitsinermik aallaaveqarluni ingerlatsinissaq Naalakkersuisut pingaartippaat."*

*- Naalakkersuisut naliliippat piniagassat killilersorneqartut piniarneranni tamanna piujuartitsinissaq aallaavigalugu ingerlanneqartoq?*

Piniagassat killilersorneqartut piniarneqarnerat piujarnissaat kinguaassiortuarnissaallu, ileqquumumik uumassusilinnik misissuisut siunnersuinerat naapertorlugu eqqarsaatigillu agaasumik ukiullu qanoq ilinera eqqarsaatigalugu pissarsiffiunerpaasumik iluaquteqarniarnissaq, piniarnermik inuussutissarsiuteqarnermi aningaasaqarniarnikkut suliffissaqartitsiniarnikkullu isiginiagassat, kiisalu innuttaasut sunngiffimminni sammisassaqaarnissamut pisariaqartitaat pingaartinneqassapput, § 2 Piniarnej aallaaniarnerlu pillugit Inatsisartut inatsisaat nr. 12, 29. oktober 1999-imeersumi takuuk.

Uumassusilerisunit siunnersuineq suleqatigisat arlallit peqatigalugit ingerlanneqarpoq, suleqatit ilaatigut tassaapput Atlantikup Avannaani Miluumasut pillugit Ataatsimiititaliaq (NAMMCO), Qilalukkat qernertat qaqortallu piujuaannartinneqarnissaat aqunneqarnerallu pillugit Canada Kalaallit Nunaatalu Ataatsimoorlutik Ataatsimiititaliaat (JCNB) aamma Arfanniarnej pillugu nunat tamat akornanni ataatsimiititaliarsuaq (IWC) kiisalu Nannut ataatsimoorussat piujuaannartinneqarnerat aqunneqarnerallu pillugu Canadami, Nunavumi Kalaallit Nunaannilu paaseqatigiinnissamik isumaqatigiissut (JCPB).

Naalakkersuisut naliliipput killilersukkanik aqutsineq, ukiumoortumik piniakkat killilersukkat pisassiissutaasut naleqquttuusut, ukiunilu arlalinni ilisimatuussutsikkut misissuineramik sumiiffinnilu qangaaniillu ilisimasani ilanngussinikkut tunngaveqarluartut.

Piniakkat killilersukkat ilaat suli atorluarnerusinnaagaluartut Naalakkersuisut nalilerpaat. Assersuutitit qilalukkat qaqortat taaneqarsinnaapput, pisat ataavartumik sinneqarluarturput. Arferillu anginerit ilai aammattaq pitsaanerumik atorneqarsinnaagaluarput.

Ulloq: 13-12-2018  
Suliap normua: 2018 - 26398  
Akt normu: 9576126

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
[www.naalakkersuisut.gl](http://www.naalakkersuisut.gl)

*Uunga 2) Sinerissamiit nalunaaruteqartoqarneratigut Naalackersuisut ilisimatinne-qartarpat piujuaannartitsinermik aallaaveqarluni ingerlatsinissamik siunertamut naapertuutinn-gitsunik piniagassanik killilersukkanik piniartoqarneranik imalinnik?*

Ukiap ingerlanerani Naalackersuisoqarfik piniartuniit, inuinnarniit, piniarnermut nakkutiliisuniit, politiiniit kommuniniillu piniakkanik killilersukkanik piniarneq kiisalu piniakkat killilersukkat atornerqarneri pillugit piniarnermut aallaaniarnermullu inatsimmik unioqutitsinernik tunngasunik takunnissimanagerit pasilliissutinillu tigusaqarnikuvoq.

*Uunga 3) Apeqqummut 2-mut angertoqarpat: tamanna Naalackersuisut assersuu-siorfigisinnaavaat?*

Naalackersuisut Upernavimmi, Uummannami, Qeqertarsuup tunuani Tunumilu qilalukkanik qernertarniarneq pillugu nalunaarutiniq tigusaqartarsimavoq. Nalunaarutit qilalukkanik qernertat qalerallinniarnermut ajoqutaasunik aallaarsarisanik pissatanillu, pisat nalunaarutigineqarsimanngitsut, pissatanik annaasanillu nalunaaruteqartannginneq, qilalukkat qernertat mattaajaannakkat, kiisalu piniakkanik killilersukkanik akuersissuteqarani pisaqartarsimanagerit arlalissuit. Unioqutitsilluni nalunaarutit tamarmik misissuilluareernerup kingorna pineqaatissinneqarsinnaapput. Pisimasut ilaat Naalackersuisoqarfimmiit politi-inut sukumiinerusumik misissuiffigineqarnissaat siunertaralugu nalunaarutigineqartarput.

*Uunga 4) Apeqqummut 2-mut angertoqarpat:*

*- Tamanna ajornartorsiutitut Naalackersuisut nalilerneqarpa?*

*- Ajornartorsiutitut naliliineq sumut attuumassuteqarpa?*

Unioqutitsilluni piniarneq ajornartorsiutaasuaannarpoq. Ajornartorsiutit apeqqu 2-mi aamma 3-mi pissutsini taaneqartuni attuumassuteqarput. Naalackersuisut nalunaarutit tamaasa ilumoorjaarutigaat, ajornartorsiutillu unitsinniarlugit iliuutsit pisariaqartut aallartillugit. Tamanna december 2018 aallartinnerani pivoq Naalackersuisut piniarnermut nakkutilliisut arlallit Nunatta avannaanut aallartimmagit qilalugarniarneq nakkutiginiarlugu. Tassunga atatillugu aamma piniartut ataatsimeeqatigineqarput. Piniarnermut nakkutilliisut nalunaarummi akurersissutit, piniariaatsit taavalu pisap atorluarnissaa piilugu aalajangersakkat pillugit ilisimatitsissuteqarsimallutik. Naalackersuisut nakkutilliinissamut iliuusissaq 2014-imi akuerisaat naapertorlugu, kiisalu taassuma atuutilersikkiartuaarneqarnerani KANUAANA-p 2019-mut, nakkutilliineq pillugu pilersaarusiornissaanut ilanngullugu nalilersussavaa, aalisarnermut piniarnermullu nakkutilliisut naammangersut.

Unioqutitsilluni piniarnerit tamaasa ukiup tullissaani pisassiissutiniik ilanngaatigineqartarput, tamannalu piniartut isertitakinneruneranik siunissamilu pisassiissutit ikinnerulernerannik kinguneqarsinnaalluni. Piniagassat ilaat pisarinngitsuukkat ukiup tullianut nuunneqarsinnaapput.

Inussiarnersumik inuulluaqqusillunga

Nikkulaat Jeremiassen  
Aalisarnermut, Piniarnermut Nunalerinermullu Naalakkersuisoq